



Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 10. Religiosorum Mendicantium disciplina solutior.

[urn:nbn:de:hbz:466:1-66293](#)

§. X.

*Religiosorum Mendicantium disciplina
solutior.*

Omisis ratiocinationibus spectemus experientiam! Ab obitu S. Francisci effluxerant anni triginta: cum notata jam est magna remissio disciplinæ Ordinum Mendicantium.

Hist. I. 82. §. 7. Non afferam querimonias vel Matthæi Paridis, vel Petri de Vineis Clerum secularem tuentis: erant partes, quarum res intererat. Contentus ero S. Bonaventuræ testimonio, quod nequit esse suspectum. Inest epistolæ, quam anno 1257 ut Ordinis Minister Generalis ad cunctos Provinciales & Custodes scripsit. Conquerebatur multitudinem negotiorum, ad quæ pecuniam poscerent, quorundam Fratrum dissidiam, vitam vagam, importunitatem in petendo, ædificiorum amplitudinem, & aviditatem dandi sepulturas, ac obtinendi testamenta: singula merentur considerationes aliquas.

*Hist. I. 84.
§. 43.
Opusc. to. 2.
p. 352.*

Fratres

Fratres Mendicantes sub charita-
tis obtentu se immiscebant omnis ge-
neris negotiis publicis & privatis.
Scrutabantur arcana familiarum :
fusci piebant executionem testamen-
torum : obibant legationes ad agi-
tanda consilia pacis inter civitates ac
Principes: præsertim Summi Ponti-
fices perlibenter illis imponebant mi-
nisteria tanquam hominibus ad ea
facilli me adhibendis, supremæ sedi *Hist. l. 82.*
addictissimis, & parvo sumptu pro- *§. 45.*
ficiisci solitis: interdum eos pecuniam
colligere jubebant. Sed maxime
illos distinebat Inquisitio: cuius ex-
ercitium tametsi ad conservandam
fidem spectans eosdem Praetoribus
similes faciebat: confueverunt enim
quærere de criminibus, capiendos
curare reos, addicere carceri, tor-
mentis subjicere, damnatos proscri-
ptis bonis exuere, aut poena pecunia-
ria, vel probrofa, & saepe capitali per
lictores Magistratus profani afficere.
Non poterat, initio saltem, non mira-
ri, quisquis cernebat Religiosos de-
missionem profundissimam, paupertate
temque

temque professos summa in subito conversos esse in Magistratus, habere apparitores, ac domesticos armatos seu custodes, thesaurosque in potestate sua, & omnibus se terrificos reddere.

Contemptus laboris manuum desidiam inter Mendicantes, sicut cæteros inter Regulares induxit. Haud facile cognoscas, an tempus destinatum precationi mentis, ac litterarum studiis fideliter impendatur. In nixi genibus, & in membrorum situ ad contemplanda divina aptissimo possumus cogitare, quidquid volvamus. Religiosus in sua cellula potest, quasi litteris navet operam, legere libros, non dicam malos, sed inutiles, ac soli curiositati explendæ habiles: denique oscitare potest, ac obdormiscere. Aliter se res habet in labore: sentitur iste; ac opus restans ei fidem facit. Sed neque communia sunt ingenia litteris idonea: plerique homines parum amant rationationem, meditationemque continuam; nec multum curiosi sunt, nisi forte

forte in perquirendis rebus novis, & ignobilibus privatisque factis, quæ judiciis temerariis, & obtrectationibus dare materiam solent. Veteres litteraturam colere sciebant, & melius, quam hodierni: ut illorum scripta testantur: & tamen SS. Basilius *Hist. l. 14.*
 & Gregorius Nazianzenus in solitu-
§. 2.
 dine sua non dignabuntur labores vilissimos. Potest honoris aura captari ex composito libro egregio: sed nulla unquam laus quæsita fuit e storeis aut fiscinis: talia opera possunt per diem totum fieri: non ingenium serenum, non animum sedatiorem postulant.

Tertius error, quem S. Bonaventura Fratribus suis exprobrat, est vaga multorum vita, qui ut suis corporibus, ait, levamentum afferant, oneri & offensioni sunt hospitibus suis, quibus exemplo esse bono deberent. Hoc incommodum creant frequentia nimis itinera; dum præbent ansam excedendi modum in vietu & somno per speciem refectionis viarium; ac æquabilitatem vitæ regularis

ris dissolvunt. Quartus error est importunitas in petendo, quæ facit, ut nostrorum Fratrum, veluti prædonum occurfus metuatur, inquit S. Bonaventura. Reapſe hæc importunitas eſt quædam violentiæ species, cui pauci resistere norunt; præſertim ſi veniat ab iis, quorum vefis & iſtitutum reverentiam poſcunt, ſed & naturalis eſt effectus inopiæ. Nam denique oportet alere vitam: principio fames, ac reliquæ neceſſitates urgentes efficiunt, ut vincatur educationis honestæ verecundia: quo obice ſemel convulſo, qui plus induſtriæ, quam aliud, ad corrogandam ſtipem adhibet, id laudi ſibi & honori ducit.

Ampla & viſenda ædificia, pergit S. Doctor, noſtram obturbant ſolitudinem; incommodant amicis noſtris; & acerbis hominum iudiciis nos exponunt. Fratrum tranquillitati officiunt per curas & operam, quam Praefides & ab his deſignati ſibi ſumere debent, ut diuerſas ædium adumbrationes ſeu deſcriptas lineis figuræ

figuras examinent; ut invigilant ex-
ecutioni; ac præcipue, ut sumptus
suggerant certo reditu destituti: &
hoc est, quod molestiam amicis ex-
hibet. At quamdiu continuatur o-
pus, totam congregationem impe-
diunt materia & operarii. Amara
hominum judicia de his domibus fa-
tis exprimit Petrus de Vineis in-
quiens: Hi Fratres in ortu religionis *lib. I. Epist.*
suæ gloriæ vanam calcare pedibus^{37.} *Hist. I. 82.*
visi contemptum resumunt fastum; *§. 4.*
& nihil habentes possident omnia, i-
psis divitibus ditiores. Denique S.
Bonaventura Fratribus suis objicit
humationum testamentorumque avi-
ditatem, quippe quæ ipsis indignatio-
nem Cleri, & maxime Parochorum
accersat. Qua de re Matthæus quo-
que Paris ita queritur: Moribundis
Proceribus ac viris bene nummatis
non sine damno pastorum ordinario-
rum sedulo adsunt in lucrum intenti,
occultaque testamenta extorquent, so-
lum Ordinem suum commendantes,
quem reliquis cunctis præferunt.

p. 54E

§. XI.